

# LATGALIŠU GAZETA

## Vuolyudzāni 2009

2009. gada 25. aprīlī Rēzeknī 1. vydsškola nūtyka ikgadejais skotuvīs runys konkurss "Vuolyudzāni" i olimpiade vydsškolanīm latgališu volūdā i kulturviesturī. Šugod runys konkursā pīsadaļēja 42 daleibniki nu 16 Latgolys školom, bet vydsškolys olimpiadē pīsadaļēja 6 komandys: Baļtinovys v-šk., Dagdys v-šk., Naurānu v-šk., Tilžys v-šk. i divys komandys nu Rēzeknīs Augstškolys.

Skotuvīs runys konkurss "Vuolyudzāni" konkurasantim beja juoizavielej vīns daiļdorbs voi tuo fragments nu Fanča Trasuna voi Marijīs Andžānīs dorbim, partū ka obeji autori ir šuo goda jubilarī: M. Andžānei 8. septembrī – 100, bet Fr. Trasunam 16. oktobrī – 145. Popularuokys tūmār beja Fr. Trasuna fabulys voi cyti dorbī (kūpā daleibniki izavieleja 34 juo dorbys), bet M. Andžānīs dorbys runuoja 8 školāni.

Kai ūtrais daiļdorbs beja juolosa pošā izavilātais autors. Školāni runuoja O. Kūkuoja, O. Slyšāna, O. Matvejāna, Kr. Brema, J. Klīdzēja, Naaizmierstulis dorbys voi dorbū fragmentus.

Ciši moz teik izmontuota jaunūs autoru dzeja i proza. Dūmojams, cytugod vairuok tiks dūmuots pi dorbū izvielīs, lai atblystu školāna vacuumam i kab byutu leluoka dažaideiba.

### UZVARĀTUOJI:

#### ● 1. – 4. kl.

1. vīta – Vivitai Krišānei – 2. Mežvydu p – šk. – školuotuoja Aina Urtāne

Lāsma Nagla – 2. Mežvydu p – šk. – šk. Inta Nagla

2. v. – Simona Treťjakova – Gaļānu p – šk. – šk. Irita Līvmane

Otomārs Kozlovs – Drycānu v – šk. – šk. Sarmeite Mežule

3. v. – Daira Brūdere – Gaļānu – šk. – šk. Elza Leimane

#### ● 5. – 9. kl.

1. v. – Valters Ludbuorzs – Rēzeknīs 5. v-šk. – šk. Rūta Geidāne

Zane Bukša – Baļtinovys v-šk. – šk. Anita Ločmele

2. v. – Dāniels Jukna – Rēzeknīs 5. v-šk. – šk. Biruta Trimalniece

Renāts Konovalovs – Gaļānu p-šk. – šk. Marta Binduka

Samanta Ignatjeva – Ilziskolna p-šk. – šk. Zinaida Kūkuoja

Dainis Skrebinskis – 2. Mežvydu p-šk. – šk. Inga Skrebinska

3. v. – Aigars Smirnovs – Lūznovys p-šk. – šk. Inese Anževa

Arnis Skrebinskis – 2. Mežvydu p-šk. – šk. Inga Skrebinska

#### ● 10. – 12. kl.

1. v. – Edmunds Strods – Preiļu Valsts ģimn. – šk. Silvija Kivko

2. v. – Krista Aivare – Rēzeknīs 5. v-šk. – šk. Anna Šmite

Juons Gailums – Naurānu v-šk. – šk. Veronika Dundure

Paļdis skolom, školuotuojuim par iguldeitū dorbū, sagata-jujūt školānus konkursam!

Vydsškolanīm olimpiadis aizdavumus sagatavuoja Iīga Šuplinska (RA) i Lideja Leikuma (LU), i ti beja par itaidim tematim:

1. Latgališu rokstu volūdys viesture;
2. Fraņcs Trasuns, juo dzeve i dorbī;
3. Marija Andžāne, dzeive i dorbī;
4. Kulturtests (svareiguoki nūtikumi Latgolā).



Skotuvīs runys konkursa daleibniki 1.-4.kl. grupā kūpā ar viertietuoju puorstuovim



Vydsškolanū olimpiadis daliniki kūpā ar sovīm školuotuojuim

### UZVARĀTUOJI:

1. v. – Tilžys v-šk. – šk. Aina Rakstiņa

2. v. – Baļtinovys v-šk. – šk. Imants Slyšāns

3. v. – Naurānu v-šk. – šk. Veronika Dundure

**Nūslāgumā ari bidreiba "Latgolys Studentu centrs" (LgSC) apsveice naseņ izsludynuotuo jaunīšu rodūšys dorbū konkursa laureatus:**

1. vīta – Evika Muižnīce, Rēzeknīs Valsts ģimnazeja (dorbys par temu "Latgola – zyrgs voi mašyna?")

2. vīta – Arita Rudzīte, Naurānu vydsškola (dorbys par temu: "Latgola – zyrgs voi mašyna?")

3. vīta – Iva ūsenīce, Rēzeknīs Školānu interešu centrs (par dorbū "Latgola i latgališi 2059.godā")

Visi treis dorbī tiks publicāti škarsteikla lopā: LaKuGa.LV – pyrmuos vīty igiviejis dorbys ti jau atrūnams i puorskaitams.

LgSC izsoka pateiceibu školuotuojuim Lolītai Kivlenīcei-Kuzņecovai par atbolstu itam konkursam i školānu mudynuošonu pīsadaļeit.

Latgališu volūdys, literaturys i kulturviesturis školuotuoju asociēja soka paļdis olimpiadis i skotuvīs runys konkursa atbaļsteituojuim:

Rēzeknīs 1. v-šk.: direktoram Jānim Poplavskim, direktora vītnēcai Astrai Pridānei, školuotuojuim Anna Lavrentjevai, Latgolys Kulturys Centra izdevnīceibai i Juoņam Elkšnim, kas duovynuoja gruomotys 285 Ls vierteibā, Rēzeknīs rajona padūmei i Monvidam Švarcam, Izgleiteibys puorvaldei i Līlijai Žukovskai, Latgolys Studentu Centram, Rēzeknīs Augstškolai, Latvejis Universitātei.

Cytugod otkon pādejā apreļa sastdinē školāni tiks gaideiti jau iz 10. skotuvīs runys konkursa i olimpiadi vydsškolanīm!

Kū vaira volūdu,  
tū lobuok!

LaKuGa.LV

### NŪTIKŠONU KALEŅDERS

#### ● Myusdinu latgališu rokstu volūdys kursi

11., 18., 25. maijā, Reiga, Latvejis Nacionaluo biblioteka, Kr. Barona iļā 14, 312.ustoba

Kotru pyrmūdini da 15. juņa, izjemūt svātkus.

Praktiskuos nūdarbeibys volūdys apgivei.

17.00 – nūdarbeiba īsuociejim: pyrmī sūli volūdā, runā, raksteibā (voda Kristīne Zute)

18.15 – nūdarbeiba raksteibys apguošonai tim, kas jau runoj i roksta (voda Muora Mortuzāne)

Kursi ir par veļti.

I tim, kas vuicuos. I tim, kas vuica.

LgSC bidri vuica sovu volūdu sovejim.

Vairuok informacejis: LaKuGa.LV

#### ● Literārūs dorbū konkurss

Latgolas kulturys centra izdevnīceiba izsludynoj literārūs dorbū konkursu (eisi stuosti, literaturkritiski roksti, dzeja, filozofiski apcerējumi), kas paradzāti literaturys almanaha "Olūts"

14. laidiņam, kas izīs 2009.goda oktobrī-novembrī. (P. Stroda raksteibā.)

Dorbū apjūms ap 20000 zeimu, dzejai – 350 ryndas.

Paradzātas 3 premijas kotram literaturys žanram: I – 175 Ls, II – 150 Ls un III – 125 Ls.

Dorbi syutami LKC izdevnīceibai leidz

2009. goda 15. juņam.

Vairuok informacejis: LaKuGa.LV

#### ● Seminars Latgolys školu jaunuothei

##### ATZOLYS 2009

Ari itūgod nūtikis "Atzols" – seminars Latgolys jaunīšim vacuumā nu 15 da 18 godu. Atzols ir atlasis, jaunī dzynumi, atzoliši (niu kūpā jau apmāram 120 cylvāku) i Latgolys jaunī ļauds, kas sasateik latgaliskā pasuokumā i vosorā vuicuos par Latgolu, dzid i spielej, runoj i roksta latgaliski.

Seminara mierki: ipazeistynuot Latgolys jaunīšus ar nūvoda viesturi i kulturu; paleidzēt apgiut latgališu rokstu volūdu; paleidzēt apsazynuot sova dzymtuo nūvoda kulturys boguoteibys i sovpatēibu, byut lapnam par jom; styprynuot latgaliskuos idēntitatis apziņu.

Lektorī – Latvejis i regionalūs augstškolu pasnīdzieji i "Latgolys Studentu centra" bidri. Seminara gaitā sūpluok lekcejom i nūdarbeibom lītdereiga i aizraujūša atpyuta.

Kotrys seminara daliniks pīsadaļeis interešu grupuos, vokora pasuociņūs, muzykalūs i teatralūs uzvadumūs i vuiceibu lekcejuos, īgius i papyldynuos sovys zynuošonys par Latgolys nūvoda kulturviesturis boguoteibom i sovpatēibu.

Reikoj: bidreiba "Latgolys Studentu centrs".

Seminars nūtikis Preiļūs 2009. goda 2.-6. augustā

Dasacejumus gaideisim da 2009. goda 15. juņa (posta zeimūgs).

Sovu CV i motivacejis viestuli (parkū Tu gribi pīsadaļeit "Atzoluos" i kū ceri nu jūs īgiut) syuti iz posta adrese: "Atzols", Lindai Orolei, Ezera iela 4, Dagda, Krāslavas rajons, LV-5674, ci iz e-posta adrese: linda\_oro@ yahoo.com

Vairuok informacejis: LaKuGa.LV

#### ● Tieveanānu pavasars

09.05.2009 – 10.05.2009, Tieveanāni, Viļānu pogosts,

Rēzeknīs rajons

Latgališu literatūra kluotinė i tekstūs. Nakomercials pasuokums autorim i skaiteituojuim. Programā ari Viļānu tiergs i cuoļu pierkšona.

Vairuok informacejis: LaKuGa.LV

"Latgališu Gasetu" atbolsta Latgolys regiona atteisteibys agentura i Kulturkapitāla fonds.

